



ル 5
3294
3



凡 5  
3294  
3

昭和十八年  
十二月廿四日  
藤本

黔南職方紀略卷七

貴州布政使安化羅繞典輯

土司上

元代土官有總管宣撫司安撫司長官司土府土州土縣凡七等其在順元宣慰司者有總管一安撫使十三土府六土州三十七土縣十二長官司二百七十二又有烏撒烏蒙宣慰及播州沿邊溪洞宣慰皆在今貴州境明代貴州土官有宣慰司三曰貴州曰思州曰思南安撫司二曰金筑曰凱里長官司七十  
四曰程番曰小程番曰上馬橋曰盧番曰韋番曰方

番曰洪番曰臥龍番曰小龍番曰大龍番曰金石番  
曰羅番曰廬山曰木瓜曰麻響曰大華皆屬定番州  
曰水東曰中曹曰龍里曰白納曰底寨曰乖西曰養  
龍皆屬貴州宣慰司曰甯谷曰西堡屬安順府曰十  
二營曰康佐屬鎮甯州曰募役曰頂營屬永甯州曰  
都勻曰邦水曰平浪曰平州屬都勻府曰樂平曰平  
定屬麻哈州曰合江洲曰豐甯屬獨山州曰凱里司  
曰楊義屬平越府曰潭溪曰八舟曰洪舟曰曹滴洞  
曰西山陽洞曰新化曰湖耳曰亮寨曰歐陽曰中林  
曰赤溪南洞曰龍里皆屬黎平府曰蠻夷曰沿河祐

溪曰朗溪皆屬思甯府曰都詳曰都素曰黃道溪曰  
施溪皆屬思州曰偏橋曰臻剖屬鎮遠府曰省溪曰  
提溪曰大萬山曰烏羅曰平頭著可皆屬銅仁曰石  
阡曰苗民曰葛彰葛商皆屬石阡曰大平伐屬龍里  
衛曰新添曰小平伐曰把平曰丹平曰丹行屬新添  
衛四川有播州宣慰烏撒土府皆在今貴州宣慰司  
有宣慰使一人從三品同知一人正四品副使一人從四品  
僉事一人正五品安撫司有安撫使一人從五品同知一  
人正六品副使一人從六品僉事一人正七品長官司有長  
官一人正六品副長官一人從七品又有土同知土通判

土推官土州同土州判土縣丞土主簿土巡檢土吏目諸官其後裁思州思南播州三宣慰各土官佐貳多與其長官同治或以所居之地爲名明末桂王又分置土官至於

國初諸土官先後歸附有虎墜喇平諸司皆明史所不載也改貴州宣慰爲水西宣慰康熙中裁又先後裁金筑凱里二安撫把平水東喇平密喇康佐甯谷水西苗民西山曹滴十長官烏撒一上府及安順土州同龍泉土縣丞土主簿安化婺川龍泉三百戶其中曹副盧山大華洪番龍里西堡正十二營丹平丹

行平州天垣平浪麻哈三郎赤溪南洞十五長官普安州同朗城吏目皆降爲外委土弁康熙初置二土弁于羅斛地雍正五年又于羅斛置土弁八開新疆六廳又置土弁八于台拱十三于清江三于八寨二于都江三于丹江十于古州後割古州之二土弁隸下江割各長官地使其子弟別爲土弁嘉慶時又置土弁一于興義縣十一于羅斛見制土司土弁之在貴陽者凡七十口中曹正曰養龍曰白納曰虎墜凡四長官曰白納副長官曰中曹副司外委土弁總口青巖外委土舍皆親隸于貴陽府曰程番曰上馬橋

曰小程番曰盧番曰韋番曰臥龍番曰金石番曰羅番曰方番曰大龍番曰小龍番曰木瓜曰麻響凡十三長官曰木瓜副長官曰上馬副曰洪番凡二外委土千總曰牛路曰大華副曰大華正曰盧山曰木官凡五土舍皆屬定番州曰丹平曰丹行凡二土舍曰通州曰降隆曰上克度曰中克度曰下克度凡五上里曰皆屬大塘州判曰芭圩土守備曰羅斛曰羅化曰芭羊曰羅棚曰打拱曰昂亭曰羅敖曰桑郎曰長流曰膏亭曰何往曰崩亭曰羅磨曰羅央曰相亭曰羅球凡十六外委土千總曰懷亭曰俸亭曰拱亭曰

羅賴曰羅斛凡五外委土把總皆屬羅斛曰乖西正長官曰乖西副長官屬開州曰大谷龍曰小谷龍曰羊場凡三長官曰龍里上牌土舍皆屬龍里縣曰平伐曰大平伐曰小平伐曰新添凡四長官曰西牌土舍皆屬貴定曰底寨六品長官曰底寨副長官屬修文縣在安順者凡十有四曰西堡副長官曰十二營曰六枝二土千總屬郎岱曰頂營曰沙營凡二長官曰盤江巡檢曰播西曰樂垣曰樂運哨曰八大曰樂舉曰打罕哨凡六土舍皆屬永甯州曰阿破土舍屬鎮甯州曰西堡正司土舍屬安平縣在興義府者一

曰黃平營外委土守備屬興義縣在普安廳者一曰  
魯土外委千總在平越州者六曰楊義長官曰高坪  
曰中平凡二二舍皆屬平越知州曰甕水縣丞屬甕  
安縣曰餘慶縣丞曰餘慶主簿皆屬餘慶縣在思州  
府者七曰都平曰黃道曰都素曰施溪凡四長官曰  
都平副曰黃道副曰都素副凡三副長官皆屬思州  
知府在鎮遠府三十二曰鎮遠土同知曰鎮遠土通  
判曰鎮遠土推官曰偏橋曰邛水凡二長官曰偏橋  
左曰偏橋右曰邛水凡三副長官皆屬鎮遠知府曰  
巖川長官曰重安土吏目曰郎城外委土千總皆屬

黃平州曰南市曰高坡曰番柳凡三外委土千總曰  
烏漏曰趙架曰番隴曰龍塘曰容山凡五外委土地  
總皆屬台拱同知曰柳利曰格東曰那磨曰柳榜曰  
赤溪曰南洞凡六外委土千總曰平夏曰旁洞曰返  
迷曰鷄擺曰番乾曰返號曰柳羅凡七外委土把總  
皆屬清江同知在思南府者十曰蠻夷曰朗溪曰沿  
河祐溪曰思南凡四長官曰朗溪副曰沿河副凡二  
副長官皆屬思南知府曰安化土縣丞曰安化土主  
簿曰安化土巡檢皆屬安化縣曰印江土縣丞屬印  
江縣在銅仁府者四曰省溪曰提溪凡二長官曰省

溪副曰提溪副凡二副長官皆屬銅仁知府在松桃廳者四曰烏羅曰平頭凡二長官曰烏羅副曰平頭副凡二副長官在石阡府者曰石阡副長官屬石阡知府在都勻府者三十曰都勻長官曰邦水副曰都勻副凡二副長官曰平州曰六洞凡二外委土把總皆屬都勻知府曰天垣外委土千總曰上牌曰中牌曰下牌凡三外委土把總皆屬都勻知府曰歸仁營曰順德營凡二外委土千總屬八寨同知曰鷄講曰黃茅曰烏曼凡三外委土把總皆屬丹江通判曰獨山土同知曰爛土曰豐甯上曰豐甯下凡三長官曰

三棒曰普安凡二土舍皆屬獨山州曰平定曰樂平凡二長官曰養鵝外委土千總曰宣威營曰樂戶西曰二麻哈凡四土舍皆屬麻哈州曰凱里崖頭曰臻洞凡二外委土千總曰落榜外委土把總皆屬清平縣在黎平府者凡二十五曰潭溪曰八舟曰新化曰洪州曰歐陽曰龍里曰亮寨曰中林曰古州曰湖耳凡十長官曰潭溪曰洪州副曰歐陽副曰湖耳副凡四副長官曰三郎土舍皆屬黎平知府曰岑台曰六百曰滾縱曰八開曰八衛曰樂鄉凡六外委土千總曰高表曰平江凡二外委土把總皆屬古州同知曰



佳里外委土千總曰平正外委土把總皆屬下江通判貴州土司有土同知二土通判一土推官一土縣丞四土主簿二土吏目一土巡檢二其承襲也吏部給號紙正長官十副長官二十四其承襲也皆兵部給號紙土弁有外委土守備二外委土千總四十五外委土把總二十九土舍二十七土里目五其承襲也皆總督給委牌黃平營外委土守備其承襲時巡撫給委牌土司土弁共二百有五員土同知秩正五品土通判秩正六品土推官秩正七品土縣丞秩正八品土主簿秩正九品土巡檢土吏目均秩從九

品長官秩正七品惟底寨思南二長官秩正六品副長官秩從七品外委土守備秩正五品外委土千總秩從六品外委土把總秩正七品土舍土里目均有頂戴明代土官皆生殺自恣其小者猶能以虐政害其所部苗民今則宣慰土府諸大土司皆裁其小者又以所部租稅與漢人相買賣如田業然至有貧不能舉火者有大獄訟皆決于流官見流官與鄉保無異苗民亦且輕之往時虐政減除殆盡今略舉其始末著之于篇云

貴陽府

中曹

養龍

白納正

白納副

虎墜

中曹副

青巖已上貴陽府屬

程番

上馬橋

小程番

盧番

韋番

臥龍番

金石番

羅番

番

大龍番

小龍番

木瓜

木瓜副

麻響

上馬副

牛路

大華副

大華正

盧山

木官

洪番已上定番

丹平

丹行

通州

降隆

上克度

中克度

下克度已上皆大塘

羅斛

羅化

芭羊

羅悃

打拱

昂亭

羅敖

長流

膏亭

何往

芭圩

崩亭

羅磨

羅央

相亭

羅球

懷亭

俸亭

拱亭

羅賴

桑郎羅斛已上羅斛

乖西

乖西副已上皆開州

大谷龍

小谷龍

今有歲方已各卷七

羊場

龍里上牌龍里已上平伐

大平伐

小平伐

新添

西牌已上皆貴定

底寨

底寨副已上皆修文

中曹長官謝氏管中曹諸寨其先曰謝石寶應天符人明太祖時以征黑羊箐功授中曹蠻夷長官九世至正倫順治十五年歸順仍授長官正倫傳天恩天恩傳士斌士斌傳維璋維璋傳國璽國璽傳君重君重傳子玉珽今存有印屬貴陽府

養龍長官蔡氏管養龍上水諸寨其先曰蔡崇隆容縣人五代時以平九洞革僚王阿乍功授職土其酋

曰普化明太祖洪武五年三月授養龍長官九年七月卒慶祥襲永樂二年三月卒承郎襲宣德五年四月卒陞襲成化十八年十月卒伯池襲正德八年七月卒統襲嘉靖二年二月卒鑾襲嘉靖二十四年六月卒永洪襲萬歷元年三月卒俊襲萬歷十八年二月卒應司襲萬歷四十五年卒國勳襲天啟二年十月卒啟東襲崇禎十一年正月卒長春襲順治十五年歸順仍授長官長春卒瑛襲瑛卒宗藩襲宗藩卒燕襲燕卒弟魯襲魯卒兄齊之子榮祖襲榮祖卒世臣襲世臣卒子奎元未襲卒孫昌期應襲有印屬貴

陽府

白納長官周氏管白納諸寨其先曰周朝聘廬陵人明太祖時從傅友德征九股苗及銅鼓平越香鑪山貴州黑羊箐諸苗有功授白納長官可敬傳諒諒傳冕冕傳淵淵傳森森傳賢賢傳寵寵傳文郁文郁傳如唐天啟中殉安氏之難贈土知州子陞襲陞傳蓋臣蓋臣傳爾齡順治十五年歸順仍授長官爾齡傳斯旦斯旦傳釗釗傳一清一清傳廷玉廷玉傳弟廷珍廷珍傳召南召南傳子朝聘朝聘傳子秉坤見應

禮有印屬貴陽府

白納副長官趙氏管白納騎龍諸寨其先曰趙仲祖真定府人明初從傅友德征荆襄有功從入貴州因授白納副長官仲祖傳垣垣傳鳳鳳傳繼爵繼爵後數傳至啟乾順治十五年歸順仍授副長官啟乾傳弟啟蛟啟蛟傳文秀文秀傳光旭光旭傳殿元殿元傳淵淵傳玉堂今存無印屬貴陽府

虎墜長官宋氏管虎墜諸寨其先曰宋瑤定州人明初從征有功宣慰宋氏割授長官累傳至繼榮順治十五年歸順授長官繼榮傳安國安國傳欽璽欽璽傳天麟天麟傳弟瑞麟雍正十三年革職後復設見

發有襲職無印屬貴陽府

中曹外委土千總劉氏管中曹諸寨其先曰劉禮賓  
明初從征黑羊箐拐西有功授中曹蠻夷副長官累  
傳至順治十五年歸順仍授副長官又數傳至崇恩  
雍正四年革職降其世職副長官爲外委土千總令  
崇恩弟崇照襲職崇照傳正卿正卿傳永元永元傳  
芳德芳德傳起渭道光二十三年襲屬貴陽府

青巖外委土舍班氏管青巖諸寨其先曰班麟貴扶  
風人天啟三年以土人從征苗四年從解貴陽圍有  
功授指揮同知已而自建青巖城控制八番十二詞  
卽用爲土守備準世襲麟貴卒應忠襲苗攻上馬以  
兵援之戰失利沒焉弟應壽襲崇禎四年應壽征平  
高坡苗以開花甲定蔣呆酬其功順治十五年應壽  
率十二司歸順仍授指揮同知康熙二十三年降爲  
外委土舍屢傳至世清今存屬貴陽府

程番長官程氏管程番諸寨其先曰程元龍柳城人  
從龍德壽平溪洞戍南甯有職土久之號曰程番神  
宗元豐七年西南程番乞貢方物願依五姓蠻例注  
籍從之哲宗元祐四年十月辛丑西南程番入貢元  
符元年西南蕃程氏入貢元世祖至元十六年程蕃

內附以程延隨爲武盛軍安撫使明洪武太祖四年  
程谷祥歸附五年授程番長官累傳至民新順治十  
五年歸順仍授長官民新傳子飛鵬飛鵬傳子儒康  
熙四十七年襲儒後又數傳至連級連級子凌霄見  
應襲無印屬定番州

上馬橋長官方氏管上馬諸寨其先曰方定遠亦柳  
城人方德恆之族也從龍德壽征戍南甯有職土于  
上馬橋元時有方番廣者納土朝廷卽其地置上橋  
縣明太祖洪武四年歸附五年授方朝俸上馬橋長  
官朝俸字天祿傳湖海湖海傳棟棟傳金金傳倫倫

傳正邦正邦傳陞陞傳大勳大勳傳維新維新傳鳴  
玉鳴玉傳世雄世雄以事革職傳世傑世傑請分其  
地爲二于是上馬橋有正副司順治十五年世傑之  
後鼎歸順仍授長官鼎後傳數世至奎光道光七年  
襲有印屬定番州

小程番長官程氏管小程番諸寨程番程氏之分族  
也元中葉有程鸞者以功授長官後進安撫使傳天  
祿天祿字受孫明太祖洪武四年天祿歸附五年授  
長官天祿傳詔詔傳加榮加榮傳天珮天珮傳受恩  
受恩傳國卿國卿傳天寵天寵傳騰鳳騰鳳傳登雲

順治十五年歸順仍授長官登雲傳子起鵬起鵬傳弟一鵬一鵬傳子玉康熙四十年襲玉傳繩祖繩祖後歷數傳至朝綱道光十八年襲無印屬定番州盧番長官盧氏管盧番諸寨其先曰盧君聘柳城人從龍德壽戍南甯有職土然甚微終宋世不著元世祖至元十六年盧番內附以盧延陵爲盧番靜海軍安撫使明太祖洪武四年盧番歸附五年以盧朝俸爲盧番長官朝俸傳彥彥傳承恩承恩傳現朝現朝傳良輔良輔傳珠珠傳應龍應龍傳世爵世爵傳國政國政傳大用順治十五年歸順仍授長官大用傳

俊俊傳廷珍廷珍後歷數傳至鑑道光十九年襲有印屬定番州

韋番長官韋氏管韋番諸寨其先曰韋四海柳城人相傳爲韓信之後韓信被殺或竊其子逃之南越因去軌爲韋氏世居南越爲柳城人晉天福中四海從龍德壽戍南甯有職上號韋蕃又號牟韋蕃宋哲宗紹聖二年韋蕃入貢元符二年牟韋蕃入貢詔以進奉人韋公夏韋公市韋公利等爲郎將元世祖至元十五年西南蕃韋昌盛內附詔爲其地安撫使後改爲韋番長官明太祖洪武四年韋勝祖歸附五年授

長官勝祖傳壽春洪武十五年襲壽春傳彥名永樂  
七年襲彥名傳永清正統九年襲永清傳鳳韶宏治  
七年襲鳳韶傳世勳正德八年襲世勳傳欽嘉靖五  
年襲欽傳一龍嘉靖四十五年襲一龍傳啟萬歷十  
四年襲啟傳帝臣天啟五年襲明末殉定番之難帝  
臣傳璋順治十五年歸順仍授長官璋傳君召康熙  
十一年襲君召傳松松傳祚遠祚遠後歷數傳至允  
中嘉慶二十一年襲無印屬定番州

臥龍番長官龍氏管臥龍諸寨其先歛縣人隨煬帝  
大業中征馬平蠻有功因家焉曰德壽者于楚王  
馬殷時為大將階懷化將軍將兵征南甯州戍之久  
之遂授南甯州刺史代莫氏世襲職宋太祖乾德五  
年九月甲午知南甯州蕃落使龍彥瑫入獻方物詔  
授彥瑫歸德將軍南甯州刺史蕃落使開寶四年彥  
瑫卒歸德將軍武才及入刺史狀請以彥瑫子漢瑤  
為嗣詔授漢瑤南甯州刺史兼蕃落使是時諸蕃以  
龍氏為宗稱西南蕃至太宗太平興國五年八月甲  
申西南蕃王龍瓊瑯使其王子羅若從并諸州蠻七  
百四十四人以方物名馬來貢雍熙三年九月己未  
西南蕃王龍漢瑤自稱權南甯州事兼蕃落使遣牂



柯諸州酋長趙文橋率種族百餘人來獻名馬并上  
蜀孟氏所給符印授漢璿歸德將軍南甯州刺史以  
文橋爲懷化司戈端拱元年西南蕃主龍漢璿貽書  
五溪都統向通漢約以入貢淳化元年八月庚午漢  
璿使其弟王子漢興入貢三年十月戊子西南蕃主  
龍漢興都統龍漢璿刺史龍光顯龍光盈等貢馬朱  
砂至道元年九月丙午西南蕃主龍漢璿遣龍光進  
率諸州蠻長入貢帝召見其使詢以地理風俗譯對  
曰地去宜州陸行四十五日土宜五穀多種秧稻以  
木弩射麋鹿充食每一二百戶爲一州州有長殺人

石不償死出家財以贖國王居有城郭無壁壘官府  
惟短垣上因令進本國歌舞一人吹瓢笙如蚊蚋聲  
良久數十輩連袂宛轉而舞以足頓地爲節詢其曲  
則名水曲其使十數輩從者千餘人皆蓬髮面目黧  
黑狀如猿猴使者衣虎皮氈裘以虎尾插首爲飾詔  
授漢璿甯遠大將軍封歸化王又以保順將軍龍光  
盈龍光顯並爲安化大將軍光進等二十四人並授  
將軍郎將司階司戈其本國從者有甲頭王子刺史  
判官長史司馬長行儻人七等之名真宗咸平元年  
龍漢璿遣使龍光腆率牂柯諸蠻千餘人來貢詔授

光腴等百三十人官二年西南蕃復入貢五年漢瑋遣牙拔率部蠻千六百人以馬四百匹并藥物布帛來貢賜冠帶于崇德殿厚賚遣還景德元年詔西南詳柯諸國進奉使親至朝廷者令廣南西路發兵援之勿抑其意先是龍光進等來朝貢上矜其道遠人馬多斃因詔宜州自今可就賜恩物至是懇請詣闕從之大中祥符元年西南蕃入賀封禪二年八月甲辰漢瑋入賀東封加甯德大將軍仁宗天聖四年西南蕃使者龍光凝貢馬丹砂景祐三年西南蕃主龍光辨入貢康定元年光辨遣龍光琇入貢慶歷五年

光辨遣龍以特入貢與以特俱至者七百九十八詔以安遠將軍知蕃落使龍光辨爲甯遠大將軍甯遠將軍知靜蠻軍節度使龍光凝承宣武甯大將軍龍異豈并爲安遠大將軍承宣奉化大將軍龍異魯爲武甯大將軍皇祐二年龍光澈以方物貢至和申西南蕃主龍以烈及龍異靜首領張漢陞入貢命其首領而下九十三人爲大將軍至郎將嘉祐八年龍以烈復至大率龍氏諸部族地遠且貧熙甯中來見賜以袍帶等物刺其數于背是後南甯州龍氏漸衰不能統一諸蕃龍氏亦分爲三而南甯州但稱臥龍蕃

矣元祐三年西南蕃入貢元世祖至元十六年臥龍蕃龍文求內附詔以文求爲臥龍蕃南甯州安撫使明太祖武洪四年臥龍安撫使龍顏入貢五年四月改授臥龍司長官世襲顏傳英顯洪武二十一年襲英顯傳霖永樂二年襲霖傳聚會洪熙元年襲聚會傳文光宏治五年襲文光傳啟元嘉靖三年襲啟元傳篆萬曆十八年襲篆傳國瑞順治十五年歸附十六年襲國瑞傳義圖康熙十八年襲義圖傳毓麟康熙四十年襲其後又數傳至功溥功溥子文運見應襲有印屬定番州

金石番長官石氏管金石諸寨其先曰石寶柳城人從龍德壽戍南甯累世有爵土自稱西平州刺史又稱石蕃仁宗嘉祐二年西平州石自品入貢神宗熙甯六年石蕃入貢元豐二年十一月丙申西南石蕃入貢哲宗元祐二年八月庚寅西南石蕃石以定等入貢齋表自稱西平州武聖軍禮部言元豐著令以五年爲限今年限未及詔特入貢元世祖至元十五年石蕃內附以石延異爲石蕃太平軍安撫使明太祖洪武四年石愛歸附五年授金石蕃長官累傳至如玉順治十五年歸附仍授長官如玉傳子萬年萬

年傳子廷瑛廷瑛傳子嵩嵩傳子岱岱傳子開乾雍正二年襲開乾又數傳至希舜希舜傳子天星見應襲有印屬定番州

羅番長官龍氏管羅番諸寨其先日龍世英應詔之分族也元末代羅氏有羅番明太祖洪武四年丙申五年授羅番長官世英傳金定永樂二年襲金定傳通海正統三年襲通海傳地成化二年襲地傳昂正德三年襲昂傳鸞隆慶元年襲鸞傳會清萬歷十九年襲會清傳勝麟萬歷二十二年襲勝麟傳應國天啟五年襲應國傳元崇禎六年襲元傳從雲順治

五年歸順仍授長官從雲傳蒼佑康熙二十四年襲蒼佑傳溟溟之後數至允升允升傳從弟永禧見存無印屬定番州

方番長官方氏管方番諸寨其先日方德恆柳城人從龍德壽討九蠻有功進至南甯遂戍焉宋神宗熙甯元年方異現以方物入貢授異現靜蠻軍節度使

或曰靜爲鎮音譌六年方番入貢元世祖至元十六年方番內附以方昌盛爲方番河中府安撫使明太祖洪武四年方番安撫使方得用歸附五年改授方番長官累傳至正剛順治十五年歸順仍授長官正剛傳子

承恩承恩傳子琬康熙三十七年襲又數傳至定元  
定元子政和見應襲有印屬定番州

大龍番長官龍氏管大龍諸寨其先有昌宗者德壽  
之支族也天福中從德壽戍南甯後漸有職土南甯  
龍氏世衰昌宗之後乃別出稱龍蕃英宗治平四年  
十二月丙辰龍蕃入貢神宗熙甯六年四月乙亥龍  
蕃及羅蕃方蕃石蕃八百九十人入覲貢丹砂氈馬  
賜袍帶錢帛有差五月辛未西南龍蕃入貢西南諸  
蕃比歲繼來龍蕃眾至四百人神宗憫其勤詔五姓  
蕃五歲聽一貢人有定數無輒增加及別立首領以

息公私之擾命宋敏求編次諸國貢錄客省四方館  
撰儀皆著爲式元豐二年九月甲申龍蕃入貢五年  
十二月辛未龍蕃入貢七年九月壬寅龍蕃入貢哲  
宗元祐二年十月己亥龍蕃遣人入貢四年十月丁  
未龍蕃入貢五年龍蕃貢方物七年西南蕃龍氏入  
貢八年龍蕃貢方物遷其酋秩紹聖三年西南蕃龍  
氏入貢四年龍蕃入貢龍氏于諸姓爲最大其貢奉  
尤頻數使者但衣布袍至假伶人之衣入見蓋實貧  
陋所冀者恩賞而已故事蠻夷入貢雖交趾于闐之  
屬皆御前殿見之獨此見于後殿蓋卑之也龍蕃又

稱大龍蕃元世祖至元十六年大龍蕃內附以龍延  
三爲大龍蕃應天府安撫使明太祖洪武四年龍世  
榮內附五年授大龍司長官世榮傳德福永樂十二  
年襲德福傳永鎮永樂二十二年襲永鎮傳海天天  
順八年襲海天傳昇鸞成化十七年襲昇鸞傳衣嘉  
靖七年襲衣傳現光隆慶元年襲現光傳冠萬歷三  
十七年襲冠傳在田萬歷四十八年襲在田順治初  
卒傳登雲崇禎十六年替順治十五年仍授長官登  
雲傳飛漢康熙十二年襲飛漢傳弟涉漢涉漢傳淑  
淑又數傳至懷祖懷祖子慶雲見應襲無印屬定番

州

小龍番長官龍氏管小龍諸寨亦南甯龍氏之族也  
宋仁宗慶歷五年以甯遠將軍知靜蠻軍節度使龍  
光凝爲安遠大將軍武甯大將軍靜蠻軍承宣使龍  
異豈爲安遠大將軍奉化大將軍靜蠻軍承宣使龍  
異魯爲武甯大將軍英宗治平四年知靜蠻軍蕃落  
使守天聖大王龍異閣等入見詔以異閣爲武甯將  
軍其屬二百四十一人各授將軍及郎將光凝異閣  
卽小龍蕃之先也元世祖至元十五年小龍蕃內附  
以龍方靈爲靜蠻軍安撫使明太祖洪武四年龍景

歸附景傳福慶五年襲授小龍蕃長官福慶傳海昇  
永樂三年襲海昇傳鐠鐠傳文英宏治元年襲文英  
傳鳳雲正德二年襲鳳雲傳通海嘉靖八年襲通海  
傳德貴萬歷十四年襲德貴傳雲騰萬歷四十四年  
襲雲騰傳象賢崇禎十年襲象賢傳正飛順治十五  
年歸附仍授長官正飛傳雷康熙十年襲雷後歷數  
傳至榮光嘉慶五年襲今存有印屬定番州

木瓜長官石氏管木瓜諸寨其先曰石朝璽大都人  
元時從征南有功授木瓜革老蠻夷軍民長官明洪  
武四年石蓋歸附改爲木瓜長官累傳至玉林順治  
十五年歸順仍授長官玉林傳天相天相傳弟天錫  
康熙二十八年襲後又屢傳至鐘玉鐘玉子奎光見  
應襲有印屬定番州

木瓜副長官顧氏管木瓜諸寨其先曰顧德濠州人  
德生宸明初從征南有功授木瓜副長官累傳至大  
維順治十五年歸順仍授副長官大維傳子操操傳  
子維英康熙五十四年襲維英後數傳至楷道光十  
九年襲無印屬定番州

麻響長官得氏管麻響諸寨其先曰得玉恩上元人  
洪武初征苗有功授麻響長官累傳至志順治十五

年歸順仍授長官志傳子世爵世爵傳子君佐君佐傳子子民雍正八年襲子民後又數傳至觀光嘉慶十五年襲無印屬定番州

上馬橋土千總方氏管上馬諸寨其先曰副長官方懷德方世之子也順治十五年歸順改授外委土千總懷德傳弟懷恩懷恩傳正坤正坤傳照南照南傳子國樑見襲屬定番州

半路土舍龍氏管牛路諸寨始祖曰龍應詔德壽之族也從德壽征戍南甯亦有職土甚微歷宋元明世守之順治十五年內附授外委土舍又數傳至奠中

道光六年襲屬定番州

大華副司外委土舍黃氏管大華諸寨其先曰黃彬定遠人明初從征有功授副司官歷數傳至明末以功加指揮同知充守備順治十五年歸順仍授舊職康熙元年降為外委土舍又數傳至仕煥今存屬定番州

大華正司外委土舍狄氏管大華諸寨其先曰狄質鳳陽人明初從征有功授大華長官累傳至順治十五年歸順仍授長官又傳至守亨康熙五十六年革職降為外委土舍子孫承襲又數傳至坤嘉慶七年



襲

盧山外委土舍盧氏管盧山諸寨其先曰盧經保元之末世從征有功授盧山長官洪武五年經保歸附仍授長官累傳至順治十五年歸順亦仍舊職康熙三十五年長官盧大晉有罪革職因降爲外委土舍見盧寶善襲職

木官外委土舍唐氏管木官諸寨其先曰唐郎均鳳陽府人明洪武初從征有功授木官長官永樂十三年改爲土里目明末仍爲長官順治十五年歸順仍授舊職康熙三十五年降爲外委土舍見唐際虞襲

職屬定番州

洪番土千總洪氏管洪番諸寨其先曰洪應受柳城人從龍德壽征戍南甯有職土然甚微終宋之世不著元世祖至元十六年洪番內附以洪廷暘爲洪番永盛軍安撫使明洪武四年歸附授洪番長官歷數傳至順治十五年歸順仍授長官雍正七年洪番長官洪國兆有罪除職改爲外委土舍國兆後歷數傳至澤溥澤溥子正剛見應襲

丹平外委土舍莫氏管丹平諸寨其先曰莫要武柳城人元至正間以功授長官後廢洪武三十年復置

黑南賚方紀附卷七  
以莫谷送爲之尋省永樂二年又置順治末內附仍授長官康熙元年降爲外委土舍見莫雲鴻襲職屬大塘州判

丹行外委土舍羅氏管丹行諸寨其先曰羅光益南甯府人元末有功授長官後廢洪武三十年復置以羅海爲之尋省永樂二年又置宣德九年丹行土舍羅朝煽誘寨長卜長逃民羅阿訛等侵占臥龍司長官龍保地又攻猱平寨大肆焚劫時苗民素禪指揮李政尙書王驥因奏遣政撫諭平之順治末內附仍授長官康熙五十六年降爲外委土舍見羅豔廷襲

職屬大塘州判

通州土里目王氏管通州諸寨其先世明末爲外委把總任其地順治末內附以熟習苗情就授土里目世襲嘉慶中王天培襲職今以事革職某應襲屬大塘州判

降隆土里目楊氏管降隆里諸寨其先曰楊應順治末有功授土里目世襲見楊春岐襲職屬大塘州判上克度土里目楊氏管上克度諸寨其先世明末爲外委把總任其地順治末內附以熟習苗情就授土里目世襲見楊連珍襲職屬大塘州判

中克度土里目楊氏管中克度諸寨其先曰楊廷春  
明太祖洪武中有功授土里目世襲順治末內附仍  
授舊職見楊信襲職屬大塘州判

下克度土里目楊氏管下克度諸寨其先曰楊廷華  
明太祖洪武中有功授土里目世襲順治末內附仍  
授舊職見楊德化襲職屬大塘州判

羅斛土千總黃氏管本城及淶降歸凌零蔣黎亭四  
亭苗民共四百五十一戶其先曰黃淮豐城人宋南  
渡後從征羅坐八種蠻有功授土指揮使世襲職順  
治十五年改授土千總雍正五年分其子孫五人各

授外委土千總世襲羅斛外委土千總其一也乾隆  
三十七年改土千總嘉慶初黃世杰襲職見已卒某  
應襲屬羅斛州判

羅化土千總黃氏黃淮之佃也雍正五年授外委土  
千總管羅化亭苗民六十三戶乾隆三十七年改土  
千總嘉慶初黃登甲襲職見已卒某應襲屬羅斛州  
判

芭羊土千總黃氏黃淮之佃也雍正五年授外委土  
千總管芭羊亭苗民一百八戶乾隆三十七年改土  
千總見黃定國襲職屬羅斛州判

羅悃土千總黃氏黃淮之佃也雍正五年授外委土  
千總管羅悃羅駝苗民二百十五戶乾隆三十七年  
改土千總嘉慶初黃世昭襲職今已卒某應襲屬羅  
斛州判

打拱土千總黃氏黃淮之佃也雍正五年授外委土  
千總管打拱亭苗民八十二戶乾隆三十七年改土  
千總嘉慶初黃章佐襲職見以事革職某應襲屬羅  
斛州判

昂亭土千總王氏其先曰王盛餘姚人宋南渡後從  
征羅坐諸蠻有功授土職將領順治十五年內附授

土千總職雍正五年分其族裔爲五咸授外委土千  
總職世襲昂亭其一也管昂泗那副三亭苗民一百  
三十四戶乾隆三十七年改土千總見王大勳襲職  
屬羅斛通判

羅敖外委土千總王氏王盛之佃也雍正五年授外  
委土千總管羅敖苗民五十五戶嘉慶初王恩溥襲  
職今已卒某應襲屬羅斛通判

長流土千總王氏王盛之佃也雍正五年授外委土  
千總管長流亭苗民六十三戶乾隆三十七年改土  
千總見王大綸襲職屬羅斛州判

黑南職方紀略卷七  
膏亭土千總王氏王盛之佃也雍正五年授外委土  
千總管膏周磊古宜那夜羅蘇六亭苗民四百三十  
二戶乾隆三十七年改土千總見王正緯襲職屬羅

斛州判

何往外委土千總王氏王盛之佃也雍正五年授外  
委土千總管何往亭苗民五十七戶嘉慶初王恩茂  
襲職今已卒某應襲屬羅斛州判

芭圩土守備黃氏亦黃淮之佃也嘉慶九年授黃時  
海爲土守備管芭圩亭苗民三十八戶今已卒某應  
襲屬羅斛州判

崩亭土千總黃氏黃淮之佃也嘉慶九年授黃永烈  
爲土千總管崩亭苗民五十七戶今已卒某應襲屬

羅斛州判

羅磨土千總黃氏黃淮之佃也嘉慶九年授黃際壽  
爲土千總管羅磨亭苗民四十六戶今已卒某應襲  
屬羅斛州判

羅央土千總黃氏黃淮之佃也嘉慶九年授黃表章  
爲土千總管羅央亭苗民八十五戶今存屬羅斛州  
判

相亭土千總黃氏黃淮之佃也嘉慶九年授黃世德

爲土千總管相亭苗民百九戶今存屬羅斛州判

羅球土千總管黃氏黃淮之佃也嘉慶九年授黃際華

爲土千總管羅球亭苗民九十二戶今已卒某應襲

屬羅斛州判

懷亭土把總黃氏黃淮之佃也嘉慶九年授黃際恩

爲土把總管懷亭苗民八十三戶今存屬羅斛州判

俸亭土把總黃氏黃淮之佃也嘉慶九年授黃天林

爲土把總管俸亭苗民百六戶今已卒某應襲屬羅

斛州判

拱亭土把總黃氏黃淮之佃也嘉慶九年授黃世奎

爲土把總管拱亭苗民三十六戶今已卒某應襲屬

羅斛州判

羅賴土把總黃氏黃淮之佃也嘉慶九年授黃章元

爲土把總管羅賴亭苗民八十四戶今存屬羅斛州

判

桑郎土千總管王氏羅斛土外委黃氏亦盛淮之佃皆

嘉慶九年授屬羅斛州判桑郎管桑郎等六亭

乖西長官楊氏管乖西卡諸寨其先日楊立信廬陵

人

黑羊箐有功授職土歷宋世守其土

役屬蠻州宋氏元爲雍正乖西葛蠻等處蠻夷長官

洪武四年內附五年授楊文真為乖西蠻夷長官永樂九年八月卒十五年子暹襲正統六年八月卒子塔襲天順八年十二月卒子曷襲宏治九年七月卒子暉襲正德十年十月卒子像襲嘉靖三十一年九月卒子世爵襲萬歷五年閏月卒子環襲萬歷二十八年十月卒子光綬襲崇禎十二年八月卒子國恩襲卒子瑜襲順治十五年歸順仍授長官康熙二十一年卒子兆麟襲卒康熙四十五年子錫祚襲錫祚老乾隆二十八年子淞襲淞疾嘉慶十一年子燦榮襲道光三年十月卒子培丞應襲十九年三月卒

應襲無印屬開州

乖西副長官劉氏管乖西上牌諸寨其先曰劉啟昌廬陵人五代時從征黑羊箐有功授職土歷宋世守之役屬蠻州宋氏元為雍真葛蠻等處蠻夷長官明洪武四年內附五年授劉海乖西副長官永樂元年三月卒子德秀襲宣德二年卒子銘襲正統十四年三月卒子勇襲天順八年十月卒子訓襲成化二十三年十二月卒子倭襲正德十年卒子達襲嘉靖三十年正月卒子應恩襲隆慶六年十一月卒子宗道襲萬歷三十八年正月卒子灝襲天啟七年八月卒

子國柱龔順治十五年歸順仍授副長官康熙七年卒子芳慶龔四十年九月卒子之俊龔雍正四年九月卒子銑龔七年十一月卒子嘉祥幼乾隆六年龔三十六年十月卒子鎰龔四十年卒子洪勳幼四十八年龔嘉慶八年以疾去職十九年子尙忠龔道光十一年九月卒子標龔無印屬開州

大谷龍長官宋氏管谷龍諸寨其先曰宋國桃源人元成宗元貞元年征南有功授白馬安撫使國傳子居宗居宗傳子顏顏傳子文勝文勝傳子海洪武十三年授骨龍土巡檢海傳子權權傳子輝輝傳子賢賢傳子良卿良卿傳子於龍於龍傳子茂芝茂芝傳子景新景新傳子之尹明祚終矣大谷龍宋氏于嘉靖三十一年改授長官順治十五年之尹內附仍授舊職之尹傳子士釗士釗傳子沈沈傳子承勳承勳傳子暹暹傳子昕昕傳子文龍文龍傳子應爵今存有印屬龍里

小谷龍長官宋氏管小谷龍諸寨蓋真定人蠻州宋氏之支族也其先曰幕元成宗元貞元年有征戰功別授白馬安撫使同知入明改爲骨龍副土巡檢世宗嘉靖十一年宣慰司割授小龍谷長官幕之後歷



數傳至文富文富傳琳琳傳澄澄傳福崇福崇傳恆  
恆傳顯俊顯俊傳三才三才傳景運順治十五年內  
附准授長官景運傳之爵之爵傳弟之宰之宰傳祚  
鈞祚鈞傳洪洪傳永恩永恩傳大本大本傳紹宗紹  
宗傳安邦見承襲無印有號紙屬龍里縣

羊場長官郭氏管羊場上老傍諸寨其先曰郭九齡  
貴州黑羊箐谷定溪人世有部族明洪武四年內附  
宣慰使割授長官世襲無朝命故明史地理志不著  
九齡傳子洪恩洪恩傳子安安傳子承祿承祿傳子  
迎申迎申子賈賈傳子有志有志傳子天章順治十

五年歸順因授長官天章傳弟天民天民傳子健健  
傳子永鎮永鎮傳子中懷中懷傳弟遠懷遠懷傳子  
大鵬大鵬傳子華俊華俊傳子繼汾今存屬龍里  
龍里上排外委土舍何氏管上排諸寨其先曰何甲  
秀定遠人明太祖洪武十四年從征有功授長官甲  
秀傳子智通智通傳子亨亨傳子永祥永祥傳子興  
貴興貴傳子天與天與傳子其進其進傳子勝位勝  
位傳子汝琪順治十五年歸順仍授長官康熙十九  
年降爲外委土舍汝琪傳子運運傳子元龍元龍傳  
子德茂德茂傳弟德恩今存屬龍里

黔南聯芳新略卷七  
平伐長官司庭氏管平伐工固諸寨其先本姓滕氏  
灌縣人五代末仕蜀孟氏征南有功授賓化令世守  
其土號曰滕蕃因居蠻日久滕譌爲庭賓化譌爲平  
伐元世祖至元二十九年正月丙午始從葛蠻安撫  
使宋子賢之言招諭平伐成宗大德元年五月庚寅  
平伐酋領內附乞隸亦奚不薛從之六月戊戌平伐  
九寨來降立長官司十二月平伐等蠻尙多未附播  
州宣撫使楊漢英請以己力討之己卯詔湖廣省臣  
荅剌罕從宜收撫武宗至大三年九月己卯平伐蠻  
酋不老下遣其姪與甥來降升平伐等處蠻夷軍民

安撫司同知陳思誠爲安撫使佩金虎符泰定帝泰  
定二年二月丁亥平伐苗酋的娘率其戶十萬來降  
土官三百六十人皆請朝湖廣行省汰其衆還部令  
的娘等四十六人入覲從之順帝至元元年三月平  
酋長保郎來降卽其地復立安撫使參用其土酋  
爲官三年五月癸卯給平伐安撫司達魯花赤暗都  
剌虎符明太祖洪武十五年平伐庭保郎內附以保  
郎爲長官保郎傳的貢的貢傳的那的那傳王玉傳  
銘銘傳寶寶傳廣廣傳珪珪傳希印希印傳繼然繼  
然傳拱極拱極傳萬銓萬銓傳子位子位傳世蔭顯

治十五年歸順仍授長官世蔭傳旭旭傳道焜道焜  
傳紹統紹統傳啟元啟元傳樹政樹政傳子中瑛嘉  
慶二十二年襲有印屬貴定縣

大平伐長官宋氏其先曰宋隆豆鍾離人蜀漢時從  
征南中有部曲世守之至明太祖洪武四年宋臣從  
征黑羊箐又從征至雲南授長官臣傳子瑛瑛傳子  
文文傳子全全傳子本本傳子標標傳子銘銘傳子  
傑傑傳子優優傳子維弼維弼傳子應祥應祥傳子  
三錫三錫傳弟三策三策傳弟三桂三桂傳子世昌  
順治十五年歸順仍授長官世昌傳子珩珩傳子承

勳承勳傳弟承爵承爵傳子之符之符傳子安遠安  
遠卒弟鴻遠代理俄而子思蔭襲今存有印屬貴定  
小平伐長官宋氏管小平伐羅海諸寨其先出自宋  
阿蠻阿蠻之子曰阿里大德末以功別授小平伐長  
官傳斌保洪武十五年授長官斌保傳昭昭傳海海  
傳寬寬傳寬寬傳繼恩繼恩傳文壽文壽傳國臣國  
臣傳弟國才國才傳天培順治十五年內附仍授長  
官傳子世隆世隆傳子子立子立傳子光遠光遠傳  
子德彰德彰傳子思敬思敬傳子毓珠毓珠傳子鈞  
鈞傳弟釗見承襲有印屬貴定

新添長官司宋氏管新添米孔諸寨其先宋子賢之後曰亦憐真亦憐真之曰子仁貴洪武四年內附授新添長官仁貴傳昇昇傳安安傳略略傳時勳時勳傳維垣維垣傳肇元肇元傳鴻基而明祚終矣宣德元年新添土舍宋志道糾洞蠻肆掠蕭授討擒之景泰二年苗賊有在新添行劫聚于西廬者官軍破之以聞皆新添司事也鴻基于順治十五年內附仍授長官如舊鴻基傳子繩祖繩祖傳子源源傳子廷璽廷璽傳子遐齡遐齡于雍正七年襲職傳子體祁體祁傳弟輝祁輝祁傳子塏見承襲無印有號紙屬貴

定縣

大平伐西排外委土舍宋氏管西排等寨其先曰宋三綱大平伐長官宋應祥之別子也康熙十二年從征普安有功別授西排土守備後改爲外委土舍三綱傳子文秀文秀傳子經貴經貴傳子承周承周傳子開勳開勳傳子仁術仁術傳子恩繼道光十一年襲屬貴定

底寨長官蔡氏不管村寨其先曰蔡興隆容縣人五代時征黑羊箐有功授職土世守之明初內附洪武五年授蔡永昌長官永昌傳子世祿世祿傳子土化

黔南職方紀略卷七  
土化傳子阿結阿結傳子文英文英傳子朝賢朝賢  
傳子增增傳子繼芳繼芳傳子應福應福傳子極極  
傳子國弼國弼傳子啟理順治十五年歸順仍授長  
官啟理傳孫鎮鎮傳子元品元品傳子德榮德榮傳  
子如林如林傳子朝光道光二年襲無印屬修文  
底寨副長官梅氏不管村寨其先曰梅天祿五代時  
從征黑羊箐有功世授職土洪武初梅忠從征有功  
授副長官忠傳天喜天喜傳岡岡傳賢賢傳椿椿傳  
桂柏桂柏傳儲順治十五年歸順仍授副長官儲傳  
應魁應魁傳朝聘朝聘傳孫亮亮傳登甲登甲傳國

相乾隆五十年襲道光十三年卒子正乾出游不歸  
二十三年裁襲

黔南職方紀略卷七終

黔南職方紀略卷八

貴州布政使安化羅繞典輯

土司下

安順府

西堡副司

十二營

六枝

頂營

沙營

盤江上巡檢

撥西土舍

樂埧

樂運哨

八大

樂舉

打罕哨

阿破

西堡正

興義府



黃平營

普安廳

魯土營

平越州

楊義司

高坪

中坪

甕水土縣丞

餘慶土縣丞

餘慶土主簿

思州府

都平

都平副

黃道

黃道副

都素

都素副

施溪

鎮遠府

鎮遠土同知

鎮遠土通判

鎮遠土推官

偏橋

偏橋左副

偏橋右副

邛水

邛水副

巖門

重安

朗城

南市

高坡

番柳

烏漏

趨架

番隴

龍塘

容山

平夏

柳利

格東

那磨

柳榜

旁洞

返迷

鷄擺

番乾

返號

柳羅

赤溪

南洞

思南府

蠻夷

朗溪

朗溪副

沿河祐溪

沿河祐溪副

思南

安化土縣丞

安化土主簿

安化土巡檢

印江土縣丞

銅仁府

省溪

省溪副

提溪

提溪副

松桃廳

烏羅

烏羅副

平頭

平頭副

石阡府

石阡副

都勻府

都勻

邦水

都勻副

平州

六洞

天垣

上牌

中牌

下牌

歸仁營

順德營

鷄講



黃茅

烏疊

獨山

爛土

豐甯上

豐甯下

三棒

普安

平定

樂平

宣威營

養鵝

樂戶西

麻哈

麻哈舊司

凱里岩頭

臻洞

落榜

黎平府

潭溪

潭溪副

八舟

新化

洪州

洪州副

歐陽

歐陽副

龍里

亮寨

中林

古州

湖耳

湖耳副

三耶

岑台

六竹

滾縱

八開

八衛

樂鄉

高表

平江

佳里

平正

西堡副長官溫氏管西堡馬頭諸寨其先有溫伯壽者江西南昌人明洪武十二年以平苗功授副長官累傳至捷桂順治十五年歸順捷桂傳子應珩應珩傳子寬寬累傳至休端見承襲無印屬郎岱同知

十二營土千總隴氏管本枝諸寨其先有隴榜者洪武十四年宣慰司安氏割授長官順治初歸附康熙十八年降爲外委土千總隴廷桂見襲屬郎岱同知六枝土千總隴氏管六枝諸寨亦隴榜之仲不知何時別于十二營授土外委千總屢傳至隴濟川見襲職屬郎岱同知

頂營長官羅氏管頂營諸寨其先有羅錄者江西金谿人明洪武十六年以功授長官屢傳至洪勳順治十五年歸附洪勳傳子名譽名譽傳子嵩嵩累傳至溥見襲職有印屬永甯州

沙營長官安氏管沙營諸寨本姓沙其先有名先者世爲土酋明洪武九年以功割授長官累傳至裕先順治十五年歸附裕先傳起龍起龍以平吳三桂功加都督銜起龍傳子天藩天藩傳子盡美盡美後改姓安氏累傳至榮誥見襲職無印屬永甯州

盤江土巡檢李氏不管村寨其先有李當者雲南大理人明洪武八年以功授巡檢累傳至桂芳順治十五年歸附桂芳傳子先登先登傳子崇庚崇庚傳子本本累傳至元勳見襲無印屬永甯州

播西土舍王氏管播西諸寨其先有王國賓者宋時

隨征有功遂爲會長元代改授長官明初宣慰司割授長官天啟時降爲土舍順治時歸附累傳至扶基見襲職屬永甯州

樂坦土舍王氏管樂坦諸寨王國賓之佃也不知何時別于播西見在王文品襲職屬永甯州

樂運哨土舍王氏管樂運諸寨王國賓之佃也不知何時別于播西見在王兆麟襲職屬永甯州

八大土舍王氏管八大諸寨其始祖王應時于明洪武時隨征有功授土指揮順治末歸附改爲守備康熙五十年以事降爲外委土舍其佃濟林見襲職屬

永甯州

樂舉土舍王氏管樂舉諸寨王應時之佃也不知何時別于八大見在王兆春襲職屬永甯州

打罕哨土舍王氏管打罕諸寨王應時之佃也不知何時別于八大見在王兆紋襲職屬永甯州

阿破土舍陸氏管阿破枝諸寨其先有陸安貴者雲南霑益州人明末桂王時以功授長官順治末歸附康熙中降爲外委土舍其佃光祖見襲職屬鎮甯州西堡長官沙氏管西堡諸寨其先有沙卜格者明洪武十四年以功授長官順治時歸附累傳至毓奇康

熙五十四年以催承襲不至降爲外委土舍又數傳至靖川見襲職屬安平縣

黃平營土守備黃氏管黃平諸寨其先有黃煜者明代以功授參將後降爲土目順治時歸附嘉慶六年以功授土守備其佃天運見襲職承襲時巡撫授委牌屬興義縣

魯土營千總龍氏管魯土諸寨其先有龍普馭者洪武時以功授土同知累傳至天祐順治時歸附康熙二十三年以平吳逆功加總兵都督銜累傳至汝馭見襲職屬普安廳

楊義長官金氏管楊義諸寨其先金竹安撫使密定之支子也洪武二十一年授長官累傳至榜順治十五年歸附榜傳子震生震生傳子履殿履殿傳子三玉累傳至家良見在襲職有印屬平越州

高坪土舍李氏管高坪諸寨其先有李整者河南偃師人明洪武四十三年播州宣慰司楊氏割授長官順治時歸附康熙三十五年降爲外委土舍其佃書昇見屬平越州

中坪土舍孫氏管中坪諸寨其先有孫福海者江南上元人明洪武時宣慰司楊氏割授長官順治十六

年歸附降爲外委土舍福海裔昂見襲職屬平越州  
甕水土縣丞猶氏不管村寨其先有猶朝觀者京兆  
長安人唐乾符七年以功授刺史元代爲宣慰使累  
傳至猶恭明洪武十七年改授安撫司萬歷二十八  
年降土縣丞累傳至登第順治十五年歸附登第傳  
子天成天成傳子賜璠賜璠累傳至以楮見襲職無  
印屬甕安縣

餘慶土縣丞毛氏不管村寨其先有毛巴者濠州鍾  
離人唐代以功授刺史明洪武十五年改爲長官司  
萬歷二十七年改爲土縣丞累傳至鵬程順治十五  
年歸附鵬程傳子都都傳子世祐世祐累傳至承宗  
見襲職無印屬餘慶縣

餘慶土主簿楊氏不管村寨其先有楊安寶者播州  
宣慰使之支子也元代以功授白泥副長官明萬歷  
二十四年播州平改授餘慶土主簿仍管白泥司事  
累傳至璟順治十五年歸附璟傳子嗣溥嗣溥傳子  
元勳元勳累傳至茂先見襲職無印屬餘慶縣  
都平長官何氏管在城峩巽二里後山洞諸寨其先  
有何清者陝西長安人元末授定雲路總管累傳至  
夢霖明洪武元年授注谿等處長官尋改都平峩巽

谿長官後止稱都平累傳至學政順治十五年歸附  
學政傳子潤遠潤遠傳子榕榕傳子道煌道煌數傳  
至鎮文見襲職與周氏共印屬思州府

都平副長官周氏與何氏輪管都平諸寨其先有周  
德遠者江西吉水人元末以功授鎮南府總管改授  
思州宣慰司領兵頭自傳至斌明洪武六年改授副  
長官累傳至如明順治十五年歸附如明傳子琇琇  
數傳至泊詩見襲職與何氏共印屬思州府

黃道長官黃氏管平岳毛坡諸寨其先有黃文總者  
江西吉水人明洪武五年以功授長官累傳至金印  
順治十六年歸附金印傳子恩榮恩榮傳子卷卷累  
傳至耀見襲職與劉氏共印屬思州府

黃平副長官劉氏與黃氏輪管平岳毛坡諸寨其先  
有劉貴者明洪武五年以功授宣慰同知八年改宣  
慰副使傳子道傳改授平岳長官永樂十一年改授  
黃道副長官累傳至士元順治十五年歸附士元傳  
子祚昌祚昌傳子以章以章數傳至榮耀與黃氏共  
印屬思州府

都素長官周氏管杜麻諸寨其先有周光復者江西  
吉水人元末隨參政詹某征廣西有功授領兵頭目

明洪武四年以功授思州百戶永樂四年授都素長官累傳至之龍順治十五年歸附之龍傳子洪基洪基傳子鼎祚鼎祚傳子偉偉數傳至光復有印與副官何氏共掌屬思州府

都素副長官何氏與長官周氏輪管杜麻諸寨其先有何文學者明洪武十九年歸附傳子麟騰麟騰傳子澄澄累傳至承廕與周氏共印屬思州府

施溪長官劉氏管二里諸寨其先劉道忠宣慰同知劉貴子也洪武五年以功授長官累傳至師光順治十五年歸附師光傳子士瞻士瞻傳子祚茂祚茂傳

子以學以學累傳至守榮見襲職有印屬思州府

鎮遠土同知何氏管楓香坪諸寨其先有何永壽者

永興軍長安人宋時思州田氏割授高丹洞州

傳至信輔元時以功授鎮遠知府宣慰副使信輔傳

子九升明洪武三年改授金容金達蠻夷長官九升

傳子濟以功授鎮遠土知州濟傳弟宣正統四年改

爲土同知累傳至大昆順治十五年歸附大昆傳子

毓杞又數傳至其誌見襲職無印屬鎮遠府

鎮遠土通判楊氏不管村寨其先有楊從禮者陝西

華陰縣人隋煬帝之佗也宋時以功授節度同知累

傳至暄明洪武四年改授鎮遠州同正統四年改爲  
土通判累傳至龍圖順治十五年歸附龍圖傳子世  
基世基傳子懋懋累傳至珣見襲職無印屬鎮遠府  
鎮遠推官楊氏及偏橋左右副長官楊氏邛水長官  
楊氏皆煬帝之佃鎮遠土推官楊氏不管村寨其先  
有載華者居陝西之華陰以功授思州宣撫使載華  
傳子正朝元代授鎮遠軍民副長官以功加鎮遠軍  
民安撫司僉事正朝傳子通全至正十五年改授金  
容金達副長官明洪武初授鎮遠土州判正統十一  
年改授土推官累傳至秀偉順治十五年歸附秀偉

傳子再瀚再瀚數傳至昌學見襲職無印屬鎮遠府  
偏橋長官司安氏管平定諸寨其先有安崇誠者陝  
西咸陽人以功封威烈英信侯子文授昭武大將軍  
累傳至源洪武元年授鎮遠土同知源傳子德可三  
年授偏橋長官司累傳至顯祖順治十七年歸附顯  
祖傳子宏治宏治數傳至德寬見襲職有印屬鎮遠  
府

偏橋左副長官司楊氏不管村寨其先有楊前灘者  
陝西華陰人明洪武元年以功授土目加武略將軍  
階二十年授偏橋左副長官累傳至通聖順治十七



年歸附通聖傳子光泰光泰傳子清清數傳至玉麟  
見襲無印屬鎮遠府

偏橋右副長官楊氏不管村寨其先有楊通賽者陝  
西華陰人宋代以功授偏橋左副州長屢傳至通誠  
明永樂二十年改授右副長官累傳至毓秀順治十  
五年歸附毓秀傳子再培再培傳子授授數傳至玉  
立見襲職無印屬鎮遠府

印水長官楊氏管印水諸寨其先有楊昌盛者陝西  
華陰人元代以功授平蠻將軍洪武元年改授印水  
長官累傳至勝海順治十六年歸附勝海傳子秀欽  
秀欽傳子再棧再棧傳子正炯正炯數傳至光鑑見  
襲職有印屬鎮遠府

印水副長官袁氏不管村寨其先有袁靜山江西泰  
和人宋末思州田氏割授平蠻將軍再傳至誠元代  
授卑帶長官明洪武十四年改授印水副長官累傳  
至洪遠順治十五年歸附洪遠傳子榮榮傳子三奇  
三奇於雍正五年以疏防革職九年子周佐襲又數  
傳至士信見襲職無印屬鎮遠府

巖門長官何氏管巖門諸寨其先有何漪者四川重  
慶人明成化六年以征苗功授凱里安撫司左副長

官累傳至仕洪順治十五年歸附改授巖門長官仕  
洪傳子瓚遠瓚遠傳子其仁雍正十三年四月死難  
數傳至成德見襲職有印屬黃平州

重安司土吏目張氏管重安諸寨其先有張佛寶者  
江南上元人明洪武五年以功授土吏目累傳至威  
鎮順治十五年歸附威鎮傳子漢生漢生傳子純文  
純文傳弟純全純全以雍正十三年死苗難純全數  
傳至星奎見襲職無印屬黃平州

朗城司土千總馮氏管朗城諸寨其先有馮進賢者  
明洪武四年以功授土吏目順治時歸附雍正四年  
吏目馮鍾俊不法革職改爲土外委千總十三年千  
總馮秉死苗難又數傳至振聲見襲職屬黃平州  
南市土千總趙氏管南市諸寨其先有趙良佐者湖  
南靖州人雍正九年從征有功授外委土千總數傳  
至士英見襲職屬台拱同知

高坡土千總周氏管高坡諸寨其先有周國相者鎮  
遠印水司人雍正六年征苗有功授外委土千總數  
傳至鈞瑞見襲職屬台拱同知

番柳土千總楊氏管番柳諸寨其先有楊運世者施  
秉縣人雍正六年征苗有功授外委土千總累傳至

文基見襲職屬台拱同知

烏漏土把總王氏管烏漏諸寨其先有王德祖者施秉人雍正九年征苗有功授外委土把總累傳至世衍見襲職屬台拱同知

趨架土把總梁氏管趨架諸寨其先有梁成鑑者鎮遠府人雍正十一年征苗有功給外委土把總職累傳至某某卒其妻陳氏見代理屬台拱同知

番隴土把總曹氏管番隴諸寨其先有曹應雄者鎮遠府人雍正六年征苗有功授外委土把總職累傳至士鳳見襲職屬台拱同知

龍塘土把總張氏管龍塘諸寨其先有張士貴者鎮遠府人雍正九年征苗有功授外委土把總職累傳至應源見襲職屬台拱同知

容山土把總張氏管容山諸寨其先有張世卿者台拱人雍正九年征苗有功授外委土把總累傳至應泰見襲職屬台拱同知

平夏土把總楊氏管平夏諸寨其先有楊進忠者清江人雍正六年征苗有功給外委土把總職累傳至通錫見襲職屬清江通判

柳利土千總楊氏管柳利諸寨其先有楊文輝者邛

水司人雍正七年征苗有功授外委土千總職累傳  
至王霖見襲職屬清江通判

格東土千總王氏管格東諸寨其先有王朝聘者不  
知何許人雍正七年征苗有功授外委土千總職累  
傳至開基見襲職屬清江通判

那磨土千總楊氏管那磨諸寨其先有楊政衍者功  
水司人雍正七年征苗有功授外委土千總職累傳  
至文瀾見襲職屬清江通判

柳榜土千總會氏管柳榜諸寨其先有曾繼美者功  
水司人雍正七年征苗有功授外委土千總職累傳  
至福聲見襲職屬清江通判

旁洞土把總楊氏管旁洞諸寨其先有楊昌璽者功  
水司人雍正七年征苗有功授外委土把總職累傳  
至楊政欽見襲職屬清江通判

迷土把總張氏管返迷諸寨其先有張應明者鎮  
遠府人雍正七年征苗有功授外委土把總職累傳  
至反灼見襲職屬清江通判

鷄擺土把總李氏管鷄擺諸寨其先有李尙志者鎮  
遠府人雍正七年征苗有功授外委土把總職累傳  
至志膺見襲職屬清江通判

番乾土把總楊氏管番乾諸寨其先有楊政和者印  
水司人雍正七年征苗有功授外委土把總職累傳  
至昌所見襲職屬清江通判

返號土把總王氏管返號諸寨其先有王錫珍者湖  
南武岡州人雍正十三年征苗有功授外委土把總  
職累傳至應鼇見襲職屬清江通判

柳羅土千總楊氏管柳羅諸寨其先有楊勝熊者鎮  
遠府人雍正七年征苗有功授土把總職累傳至光  
明見襲職屬清江通判

赤溪土千總楊氏管赤溪諸寨其先有楊通諒者江  
西豐城人明永樂六年以功授赤溪楠洞長官屬黎  
平府順治十六年歸附康熙十九年降爲赤溪外委  
土千總乾隆十年改屬清江通判累傳至秉坤見襲  
職

南洞土千總吳氏管南洞諸寨其先有吳世銘者江  
西廬陵人明洪武五年以功授赤溪南洞長官永樂  
六年改爲副長官屬黎平府順治時歸附雍正時降  
爲外委土千總乾隆四年改隸清江通判累傳至振  
祿見襲職

蠻夷長官司安氏管盪水垣諸寨其先有安交泰者

陝西咸甯人宋代烏蠻王授爲義陽元帥元代改授  
沿邊溪洞總管傳至輝世明洪武五年改授蠻夷長  
官司又數傳至際明順治十七年歸附傳子磐磐傳  
子修敬修敬傳子仁仁傳子交泰見襲職有印屬思  
南府

朗溪長官司田氏管四大村諸寨其先有田穀者陝  
西藍田人元代以功授大萬山長官傳至榮明洪武  
元年改授朗溪長官累傳至養民順治十五年歸附  
傳子仁壽仁壽傳子洪鼎洪鼎數傳至興德見襲職  
無印屬思南府



